

**Қазақстан Республикасы Энергетика және минералдық ресурстар министрлігі
Атом энергетикасы жөніндегі комитетінің мәселелері<*>**

Күшін жойған

Қазақстан Республикасы Үкіметінің қаулысы 2000 жылғы 23 қыркүйек N 1442. Тақырыбы және мәтінінде сөздер өзгерді - ҚР Үкіметінің 2001.01.25. N 133 қаулысымен. Күші жойылды - ҚР Үкіметінің 2004.10.28. N 1108 қаулысымен.

Қазақстан Республикасының Үкіметі қаулы етеді:

1. Қоса беріліп отырған:

- 1) Қазақстан Республикасы Энергетика және минералдық ресурстар министрлігінің Атом энергетикасы жөніндегі комитеті туралы ереже;
- 2) Қазақстан Республикасы Энергетика, индустрия және сауда министрлігі Атом энергетикасы жөніндегі комитетінің құрылымы бекітілсін.

2. "Қазақстан Республикасы Ғылым және жоғары білім министрлігі Атом энергиясы жөніндегі комитетінің мәселелері" туралы Қазақстан Республикасы Үкіметінің 1999 жылғы 18 тамыздағы N 1197 қаулысының (Қазақстан Республикасының ПҮКЖ-ы, 1999 ж., N 41, 367-құжат) күші жойылды деп т а н ы л с ы н .

3. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Қазақстан Республикасы Үкіметінің
2000 жылғы 23 қыркүйектегі
N 1442 қаулысымен
бекітілген

**ҚАЗАҚСТАН РЕСПУБЛИКАСЫ ЭНЕРГЕТИКА ЖӘНЕ МИНЕРАЛДЫҚ
РЕСУРСТАР МИНИСТРЛІГІНІҢ АТОМ ЭНЕРГЕТИКАСЫ
ЖӨНІНДЕГІ КОМИТЕТІ ТУРАЛЫ
ЕРЕЖЕ<*>**

*ЕСКЕРТУ. Тақырыбы және мәтінінде сөздер өзгерді - ҚР Үкіметінің
2001.01.25. N 133 қаулысымен .*

1. Жалпы ережелер

1. Қазақстан Республикасы Энергетика және минералдық ресурстар министрлігінің Атом энергетикасы жөніндегі комитеті (бұдан әрі - Комитет) арнайы атқару және бақылау-қадағалау функцияларын, сондай-ақ Қазақстан Республикасында ядролық қаруды таратпау режимін қамтамасыз ету және атом

энергиясын қауіпсіз пайдалануды реттеу саласын басқаруды жүзеге асыратын Қазақстан Республикасы Энергетика және минералдық ресурстар министрлігінің ведомствосы болып табылады.

2. Комитет өз қызметін Қазақстан Республикасының Конституциясы мен заңдарына, Қазақстан Республикасы Президенті мен Үкіметінің кесімдеріне, басқа да нормативтік құқықтық кесімдерге, сондай-ақ осы Ережеге сәйкес жүзеге асырады.

3. Комитет мемлекеттік мекеме ұйымдастыру-құқықтық нысанындағы заңды тұлға болып табылады, мемлекеттік тілде өз атауы жазылған мөрі мен мөртаңбалар, белгіленген үлгідегі бланкілері, сондай-ақ заңнамаға сәйкес банктерде есеп шоттары болады.

Комитет азаматтық-құқықтық қатынастарға өз атынан түседі.

Комитет, егер оған заңнамаға сәйкес уәкілеттік берілетін болса, мемлекет атынан азаматтық-құқықтық қатынастардың тарабы болуға құқылы.

4. Комитет өз құзыретіндегі мәселелер бойынша заңнамада белгіленген тәртіппен Қазақстан Республикасының аумағында міндетті күші бар бұйрықтар шығарады.

5. Комитеттің құрылымы мен штат санының лимитін Қазақстан Республикасының Үкіметі бекітеді.

6. Комитеттің заңды мекен-жайы:

480020, Алматы қаласы, Лиза Чайкина көшесі, 4.

7. Комитеттің толық атауы - "Қазақстан Республикасы Энергетика және минералдық ресурстар министрлігінің Атом энергетикасы жөніндегі комитеті" мемлекеттік мекемесі.

8. Осы ереже Комитеттің құрылтайшылық құжаты болып табылады.

9. Комитеттің қызметін қаржыландыру тек республикалық бюджеттен ғана жүзеге асырылады.

Комитетке кәсіпкерлік субъектілермен Комитеттің функциялары болып табылатын міндеттерді орындау мәнінде шарттық қатынастарға түсуіне тыйым салынады.

Егер Комитетке заң кесімдерінде кіріс әкелетін қызметті жүзеге асыруға құқық берілсе, онда мұндай қызметтен алынған кіріс республикалық бюджеттің кірісіне жіберіледі.

2. Комитеттің негізгі міндеттері, функциялары мен құқықтары

10. Комитеттің негізгі міндеттері мыналар болып табылады:

- 1) атом энергиясын пайдалану саласындағы мемлекеттік реттеу;
- 2) ядролық материалдар мен иондаушы сәуле көздерін есепке алу мен бақылаудың мемлекеттік жүйесінің жұмысын қамтамасыз ету;

3) өз құзыреті шегінде атом энергиясын пайдалану саласындағы тауарлар мен қызмет көрсетулердің экспорты мен импортын мемлекеттік бақылау;

4) халықаралық ядролық қаруды таратпау режимдерінде белгіленген тізбелердегі ядролық материалдар, технологиялар, жабдықтар, қондырғылар, арнаулы ядролық емес материалдар, өнімдер, екі ұдайы мақсаттағы жабдықтар мен материалдарды, сондай-ақ радиоактивті сәуле көздері мен изотоптық өнімдерді экспорттауды бақылауға қатысу;

5) Қазақстан Республикасының аумағында ядролық және радиациялық қауіпсіздіктің қамтамасыз етілуін мемлекеттік қадағалау, атом энергиясын пайдаланатын объектілердегі аварияға қарсы жоспарлауды бақылау, сондай-ақ ядролық материалдар мен қондырғылардың физикалық қорғалуының қамтамасыз етілуін қадағалау.

11. Комитет заңнамада белгіленген тәртіппен мынадай функцияларды жүзеге асырады :

1) атом энергиясын қауіпсіз пайдалану саласында, оның ішінде, техногендік және табиғи тектегі иондаушы сәулелердің халық пен қоршаған ортаға ықтимал зиянды әсерін болдырмау және азайту саласында мемлекеттік саясатты іске асырады ;

2) атом энергиясын қолдану объектілер персоналы мен олардың орналасқан аудандарында тұратын және еңбек қызметін жүзеге асыратын халықты қорғау, сондай-ақ ядролық қаруды таратпау режимін, атом энергиясын пайдалану кезінде ядролық және радиациялық қауіпсіздікті қамтамасыз ету мақсатында Қазақстан Республикасының заңнамасымен қорғалатын ядролық, радиоактивтік және арнаулы ядролық емес материалдар, екі ұдайы пайдаланыстағы материалдарды мемлекеттік бақылауды жүзеге асырады;

3) ядролық, радиоактивтік және арнаулы ядролық емес материалдар, екі ұдайы пайдаланыстағы материалдар мен ядролық технологиялар, сондай-ақ атом энергиясын пайдалану саласындағы басқа да тауарлар мен көрсетілетін қызметтердің, коммерциялық мақсаттағы беру, сату немесе сатып алу немесе коммерциялық емес мақсаттағы беруді қоса алғанда, экспорты мен импортын бақылауды жүзеге асыруға қатысады;

4) Қазақстан Республикасының Үкіметіне жыл сайын атом энергиясын пайдалану объектілері қауіпсіздігінің жай-күйі туралы есепті тапсырады;

5) техникалық және технологиялық нормаларды, ережелер мен стандарттарды қамтитын нормативтік кесімдерді әзірлеуді ұйымдастырады, өз құзыретіндегі мәселелер бойынша, оның ішінде атом энергиясын пайдалануға байланысты қызметті жүзеге асыратын адамдарға қойылатын талаптар мен оларды жұмысқа жіберу тәртібін реттейтін нормативтік құқықтық кесімдер қабылдайды ;

6) ведомстволық бағыныстылығы мен меншік нысанына қарамастан жеке және заңды тұлғалардың атом энергиясын пайдалану саласындағы нормативтік және нормативтік құқықтық кесімдерді орындауын бақылауды жүзеге асырады;

7) ядролық объектілер мен қондырғылардың олардың жұмыс циклының барлық кезеңдеріндегі қауіпсіздігін негіздейтін материалдарды қарайды және к е л і с е д і ;

8) ядролық материалдардың мемлекеттік есебін жүргізеді және оларды сақтау , тасымалдау мен пайдалану кезінде физикалық қорғалуын қамтамасыз етуді қа да ға ла у ды жү з е ге а сы ра ды ;

9) ядролық қаруды таратпау режимін қамтамасыз етумен және ядролық энергияны қауіпсіз пайдаланумен байланысты қызметті жүзеге асырады, Қазақстан Республикасының басқа ұйымдарының Атом энергиясы жөніндегі халықаралық агенттікпен (АЭХАГ) және басқа да тиісті халықаралық ұйымдармен өзара іс-қимылын жүзеге асырады және үйлестіреді;

10) авариялық байланысты ұйымдастыруды, аварияға қарсы жоспарлауды бақылауды, ядролық және радиациялық авариялар мен авариялық жағдайлар туралы мамандандырылған халықаралық ұйымдармен және басқа да мемлекеттердің қадағалаушы ұйымдарымен жедел хабар алмасуды жүзеге а с ы р а д ы ;

11) өз құзыреті шегіндегі мәселелер бойынша зерттеу және ғылыми жұмыстарды ұйымдастырады, осы саладағы халықаралық ынтымақтастыққа қ а т ы с а д ы ;

12) атом энергиясын қауіпсіз пайдалану және ядролық қаруды таратпау режимінің шарттарын орындау саласындағы Қазақстан Республикасының заңнамасын жетілдіру жөнінде ұсыныстарды енгізеді;

13) өзіне заңнамада жүктелген өзге де функцияларды жүзеге асырады.

12. Комитет заңнамада белгіленген тәртіппен:

1) атом энергиясын пайдалануға байланысты қызмет түрлерін лицензиялауды жүзеге асыруға және лицензиялық ережелердің сақталуын өз құзыреті шегінде ба қ ы ла у ды жү з е ге а сы ру ға ;

2) атом энергиясын пайдалануға байланысты кез келген қызметті инспекциялауға және бақылауға, осы мақсатта атом энергиясын пайдалану объектілеріне енуге және олардың қызметін сипаттайтын құжаттарға кедергісіз қол жеткізуге, сондай-ақ мемлекеттік қадағалауды жүзеге асыру мақсатында өлшеулер жүргізуге, сынама жасауға және алуға, тиісті аспаптар мен жа б ды қ т а р ды о р н а т у ға ;

3) ядролық қондырғының бір бөлігі ретінде жоспарланып отырған ядролық отынның немесе құрылғылар мен жабдықтарды жасау жөніндегі талаптардың орындалуын бақылауды осындай іс-қимылды келісу жолымен жүзеге асыруға;

4) ұйымдар мен азаматтардан атом энергиясын пайдалану саласындағы қызметті бақылау мен қадағалау, сондай-ақ Комитетке жүктелген өзге де міндеттерді іске асыру үшін қажетті мәліметтер мен құжаттарды қандай бір болмасын шек қоюсыз сұратуға және алуға;

5) қызметкерлерге, халыққа немесе қоршаған ортаға тікелей қауіп төндіруге әкеп соғатын жағдайлар анықталған ретте заңды тұлғалардың атом энергиясын пайдаланумен байланысты қызметін тоқтата тұру немесе тоқтату туралы мәселе қ о ю р а ;

6) атом энергиясын пайдалану саласындағы заңнаманы бұзған тұлғаларды жауапқа тарту мәселелері жөнінде тиісті мемлекеттік органдарға ұсыныстар е н г і з у г е ;

7) қызметі атом энергиясын пайдаланумен байланысты мемлекеттік кәсіпорындар мен өзге де ұйымдарды құру, қайта ұйымдастыру және тарату жөнінде ұ с ы н ы с т а р е н г і з у г е ;

8) заңнамаға сәйкес өзге де құқықтарды жүзеге асыруға құқылы.

3. Комитеттің мүлкі

13. Комитеттің жедел басқару құқығындағы окшауланған мүлкі болады.

14. Комитетке бекітілген мүлік республикалық меншікке жатады.

15. Комитеттің өзіне бекітіліп берілген мүлікті дербес иеліктен шығаруға немесе өзге тәсілмен билік етуге құқығы жоқ.

Комитетке заңнамада белгіленген жағдайлар мен шектерде мүлікке билік ету құқығы берілуі мүмкін.

4. Комитеттің қызметін ұйымдастыру

16. Комитетті Қазақстан Республикасы Энергетика және минералдық ресурстар министрінің ұсынуы бойынша Қазақстан Республикасының Үкіметі қызметке тағайындайтын және қызметтен босататын Төраға басқарады.

Төрағаның Комитеттің төрағасының ұсынуы бойынша Қазақстан Республикасының Энергетика және минералдық ресурстар министрі қызметке тағайындайтын және қызметтен босататын орынбасары болады.

17. Комитет төрағасы Комитет жұмысын ұйымдастырады және басқарады, Комитетке жүктелген міндеттерді орындауға және оның өз функцияларын жүзеге асыруына дербес жауап береді.

18. Комитет төрағасы осы мақсатта:

1) өзінің орынбасары мен Комитеттің құрылымдық бөлімшелерінің міндеттері мен өкілеттігін айқындайды;

2) заңнамаға сәйкес Комитеттің қызметкерлерін қызметке тағайындайды және қызметтен босатады;

3) заңнамада белгіленген тәртіппен Комитет қызметкерлерін көтермелеу және оларға тәртіптік шаралар қолдану туралы шешімдер қабылдайды;

- 4) бұйрықтарға қол қояды;
- 5) Комитеттің құрылымдық бөлімшелері туралы ережелерді бекітеді;
- 6) мемлекеттік органдарда және өзге де мекемелерде Комитеттің мүддесін білдіреді;
- 7) заңнамаға сәйкес өзге де өкілеттіктерді жүзеге асырады.

5. Комитетті қайта ұйымдастыру және тарату

19. Комитетті қайта ұйымдастыру және тарату Қазақстан Республикасының заңнамасына сәйкес жүзеге асырылады.

Қазақстан Республикасы Үкіметінің
2000 жылғы 23 қыркүйектегі
N 1442 қаулысымен
бекітілген

**Қазақстан Республикасы Энергетика және
минералдық ресурстар министрлігі Атом
энергетикасы жөніндегі комитетінің
ҚҰРЫЛЫМЫ <*>**

ЕСКЕРТУ. Тақырыбы өзгерді - ҚР Үкіметінің 2001.01.25. N 133
қаулысымен .

Б а с ш ы л ы қ
Радиациялық және ядролық қауіпсіздік басқармасы
Материалдарды бақылау бөлімі